

**PROSPEKT
ZATVORENOG INVESTICIONOG FONDA
"BOSFIN" d.d. Sarajevo**

I UVOD

Ovaj prospekt sadrži one informacije na osnovu kojih će investitori moći stvoriti potpun stav o Zatvorenom investicionom fondu »BOSFIN« d.d. Sarajevo, (dalje u tekstu: Fond) i donijeti odluku o ulaganju, a posebno o rizicima povezanim sa prirodom Fonda i njegovog portfelja. Prije donošenja odluke o ulaganju, potencijalni investitori se pozivaju da pročitaju ovaj Prospekt i Statut Fonda kako bi se informisali o obilježjima i rizicima ulaganja.

II PODACI O FONDU

1. Naziv, skraćeni naziv, logo i sjedište Fonda, podaci o Nadzornom odboru Fonda

Naziv Fonda je: Zatvoren investicioni fond sa javnom ponudom "BOSFIN" d.d. Sarajevo, u daljem tekstu: Fond

Skraćeni naziv firme je: ZIF "BOSFIN" d.d. Sarajevo.
Sjedište firme je: Sarajevo, Vilsonovo šetalište broj 10.

Nadzorni odbor Fonda i direktor Fonda

Prof dr Šime Ivanjko - predsjednik

Roden 04.03.1940 .g. u Stipernici -Zagrebu, Republika Hrvatska. Završio je Pravni fakultet u Ljubljani , a potom odbranio doktorsku disertaciju i stekao zvanje doktora pravnih nauka. Obavlja funkciju profesora na Pravnom fakultetu u Mariboru.

Prof dr Šunje Aziz - zamjenik predsjednika

Roden 16.11.1956. g. u Murskoj Soboti, Republika Slovenija. Završio je Ekonomski fakultet u Sarajevu,a potom odbranio doktorsku disertaciju i time ispunio uslove inučnog stupena doktora ekonomskih nauka. Obavlja funkciju redovnog profesora na Ekonomskom fakultetu u Sarajevu.

Simon Zdolšek , dipl. ing el- član:

Rodjen 15.06.1965g. u Celju , Republika Slovenija. Diplomirao na Tehničkom fakultetu (elektrotehnika,rač u informatici) Univerziteta u Mariboru dana 28.06.1994 g i stekao zvanje diplomiranog inžinjera elektrotehnike. Od Agencije Trišta vrijednosnih papira R. Slovenije dana 19.09.2000 g posjeduje Certifikat za stručna znanja potrebna za obavljanje poslova člana uprave Društava za upravljanje.Obavlja funkciju predsjednika uprave Zvon Ena Holding finansijsko društvo dd Maribor.

Čagalj Ekrem dip ecc

Roden 14.06.1960 godine. Diplomirao na Ekonomskom fakultetu, stekao zvanje ovlaštenog revizora i investicionog savjetnika, od 30.06.2000 godine direktor Fonda.

2. Datum osnivanja Fonda i vrijeme trajanja Fonda

Rješenjem broj 03-19-51/00 od 08.06.2000 godine Komisija za vrijednosne papire je Društvu izdala dozvolu za upravljanje Privatizacijskim investicionim fondovima i Fond je upisan u sudski registar Rješenjem broj UF/I-357/01 26.03.2001.godine. Na osnovu odluke Skupštine PIF „Bosfin“ d.d. provedena je transformacija u invsticioni fond, koji je upisan u sudski registar Rješenjem broj 065-0-Reg-06-001840 od 10.10.2006 godine kao pravni slijednik pod nazivom Investicioni fond „Bosfin“ d.d. Sarajevo.

Na osnovu odredaba Zakona o investicionim fondovima („Službene novine F BiH“, broj 85/08) Fond nastavlja sa radom na način i pod uvjetima pod kojima su upisani u sudski registar, odnosno pod kojima je dobio dozvolu Komisije za vrijednosne papire F BiH.

Fond je osnovan na neodređeno vrijeme i može prestatи samo u slučajevima i na način određen Zakonom o privrednim društvima i Zakonom o investicionim fondovima.

3. Mjesto gdje je moguće dobiti polugodišnje i godišnje izvještaje, primjerak prospekta Fonda

Uvid u godišnji, polugodišnji izvještaj se može izvršiti kod Društva za upravljanje investicionim fondovima "Bosinvest" d.o.o. Sarajevo, ulica Vilsonovo šetalište broj 10, svakim radnim danom od 08 h do 14 h.

Društvo će u skladu sa odredbama Zakona izraditi polugodišnje, godišnje izvještaje o poslovanju Fonda.

Uz godišnje i polugodišnje finansijske izvještaje, besplatni primjerici Prospekta, kao i drugih informacija o poslovanju Fonda su takođe na raspolaganju potencijalnim dioničarima Fonda u sjedištu Društva za upravljanje. Gore navedeni dokumenti su dostupni široj javnosti i na internet adresi Društva i Fonda, www.bosfin.ba

4. Najniži iznos novčanih sredstava Fonda i radnje koje će se preduzeti ukoliko se ne prikupi najniži utvrđeni iznos (* obavezna zakonska odredba za svaku novu emisiju dionica)

Ciljni najniži iznos novčanih sredstava koja se prikupljaju javnom ponudom, upisom i uplatom dionica Fonda iznosi Zakonom utvrđen minimum osnovnog kapitala za osnivanje zatvorenog investicionog fonda sa javnom ponudom.

Ukoliko se ne prikupi utvrđen minimum osnovnog kapitala za osnivanje zatvorenog investicionog fonda sa javnom ponudom, Društvo neće emitovati dionice Fonda i tega će u roku od sedam dana od isteka roka za upis i uplatu dionica vratiti investitorima uplaćene iznose novčanih sredstava.

5. Firma revizora i drugih davalaca usluga Fonda

Ovlašćeni revizor finansijskih izvještaja Fonda za 2008. g. je "ARMIN-REV" d.o.o. Sarajevo.

6. Prava dioničara

Dioničar fonda, stazmјerno nominalnoj vrijednosti dionica koje posjeduje u fondu ima pravo:

1. da glasa na Skupštini fonda,
2. na dividendu,

3. na prodaju dionica,
4. na isplatu dijela likvidacijske mase fonda i
5. na blagovremeno obavještavanje (na uvid u šestomjesečni i godišnji finansijski izveštaj fonda).

Dionice Fonda su redovne, dematerijalizirane, nedjeljive, glase na ime i neograničeno su prenosive. Sve dionice Fonda su iste klase.

Jedna dionica daje pravo na jedan glas u Skupštini dioničara Fonda.

Dioničar ima pravo da bude obavljen putem polugodišnjih i godišnjih izveštaja Fonda o radu Fonda. Društvo je obavezno, najmanje jednom mjesечно, objavljivati u jednim dnevnim novinama dostupnim na teritoriji FBiH neto vrijednost imovine Fonda.

Dioničar ima pravo na isplatu dividende, ako Skupština dioničara Fonda na prijedlog Nadzornog odbora Fonda, donese odluku o isplati. Skupština može donijeti odluku o isplati dividende nakon što usvoji revidirani godišnji izveštaj.

7. Postupak likvidacije Fonda

Fond može biti likvidiran na način i po postupku utvrđenim zakonom. Postupak likvidacije Fonda mogu inicirati dioničari Fonda, kao i nadležni organi i sud u slučajevima predviđenim zakonom. Za slučaj likvidacije Fonda dioničari Fonda imaju pravo na podjelu imovine Fonda u skladu sa prijedlogom lica ovlaštenog za sprovođenje likvidacije, a сразмјерно broju dionica koje imaju u osnovnom kapitalu Fonda.

8. Informacije o berzi

Dionice Fonda su uvršene u službenu kotaciju fondova Sarajevske berze - burze vrijednosnih papira d.d. Sarajevo (u daljem tekstu: SASE). Odluku o kotaciji dionica fonda na drugim berzama ili uredenim javnim tržištima donosi Nadzorni odbor Fonda.

9. Vrsta imovine u koju je Fondu dozvoljeno ulaganje

Društvo za upravljanje će voditi investicionu politiku fonda ulaganjem u:

- dugoročne i kratkoročne vrijednosne papire,
- udjele ili dionice investicionih fondova,
- instrumente tržišta novca,
- novčane depozite i
- nekretnine.

Imovina Fonda će se ulagati u svrhu ostvarivanja prethodno navedenih investicionih ciljeva, a u skladu s odredbama Zakona o investicionim fondovima te ostalim propisima i odlukama Nadzornog i drugih organa.

U vrijednosne papire ili instrumente tržišta novca čiji je izdavatelj ili za koje garantuje Federacija Bosne i Hercegovine, Bosna i Hercegovina, Republika Srpska, država članica Evropske unije, Srbija i Hrvatska, Fond može sticati bez ograničenja.

U portfelju Fonda mogu biti:

- vrijednosni papiri kojima se trguje na: berzi ili drugim uredenim javnim tržištima u Bosni i Hercegovini, na berzama u zemljama članicama EU i berzama u zemljama članicama OECD-a,
- vrijednosni papiri kojima se trguje u: Hrvatskoj, Makedoniji, Srbiji, Crnoj Gori, Albaniji, Moldaviji, Ukrajini i Rusiji,

- dužnički vrijednosni papiri koje izdaju: Bosna i Hercegovina, Federacija BiH, Republika Srpska, i jedinice lokalne uprave u Bosni i Hercegovini,
- dužnički vrijednosni papiri koje izdaje pravno lice sa sjedištem u Bosni i Hercegovini
- udjeli u otvorenim investicionim fondovima ili dionice zatvorenih investicionih fondova, koji pretežno ulazu u dužničke hartije od vrijednosti kojima se trguje na berzama i drugim organizovanim javnim tržištima u zemljama članicama EU, OECD-a, CEFTA, kao i u: Hrvatskoj, Makedoniji, Srbiji i Crnoj Gori,
- udjeli u otvorenim investicionim fondovima ili dionice zatvorenih investicionih fondova, koji pretežno ulazu u vlasničke vrijednosne papire, kojima se trguje na berzama u BiH ili berzama i drugim organizovanim tržištima u zemljama članicama EU, OECD-a, CEFTA, kao i u: Hrvatskoj, Makedoniji, Srbiji i Crnoj Gori i
- udjeli u otvorenim investicionim fondovima, ili dionice zatvorenih investicionih fondova, koji pretežno ulazu u instrumente tržišta novca, kojima se trguje na berzama u BiH, ili na berzama i drugim organizovanim tržištima u zemljama članicama EU, OECD-a, CEFTA, kao i u: Makedoniji, Srbiji, Crnoj Gori i Hrvatskoj.

Fond može posjedovati najviše 25 % dionica sa pravom glasa jednog emitenta ili vrijednosnih papira iz iste emisije obveznica.

Fond će najviše do 15 % neto vrijednosti imovine fonda ulagati u vrijednosne papire jednog emitenta, a u slučajevima repliciranja indeksa, u vrijednosne papire jednog emitenta se može uložiti i do 30 % neto vrijednosti imovine fonda.

U udjele ili dionice investicionog fonda, Fond može uložiti najviše 20% neto vrijednosti svoje imovine, pri čemu ulaganje ne može preći 25 % neto vrijednosti imovine pojedinog fonda u koji se ulaže.

Kao depozit u istu banku može biti uloženo najviše 20 % neto vrijednosti imovine Fonda.

10. Opis investicionih ciljeva fonda, način ostvarenja ciljeva fonda

Investicioni cilj Fonda je ostvarivanje stabilnih prinosa na duži rok kroz ulaganje imovine Fonda pretežno u dionice i obveznice domaćih i inostranih emitentata.

Jedan od investicionih ciljeva je i repliciranje indeksa dioničkih ili dužničkih vrijednosnih papira. Opcijski i terminski poslovi i drugi instrumenti i tehnike dozvoljeni su samo u svrhu osiguranja potraživanja i imovine Fonda, pri čemu se moraju uvažavati načela sigurnosti, profitabilnosti, likvidnosti i disperezije rizika.

Investiciona politika utvrđuje se godišnjim programom provođenja investicione politike na prijedlog Društva za upravljanje (dalje: Društvo), a usvaja je Nadzorni odbor Fonda. Investiciona politika temelji se na investicionim ciljevima i biće usmjerena prije svega, na povećanje neto vrijednosti imovine Fonda. Za ostvarenje tog cilja Društvo će aktivno i ozbiljno pristupiti provođenju investicione politike. Društvo će troškove Fonda nastojati smanjiti. Društvo će raditi na usklađivanju strukture imovine i strukture izvora Fonda, prema kriterijima propisanim zakonom i propisima Komisije. Sredstva ostvarena prodajom dionica iz portfelja Fonda koristiće se u skladu s programima provođenja investicione politike, Ugovorom o upravljanju, odlukama i saglasnostima nadležnih organa Društva i Fonda, uz puno poštivanje važećih propisa i ograničenja investiranja.

U provođenju investicione politike uvjek će se voditi računa o interesima svih dioničara Fonda.

11. Rizici povezani sa strukturom portfelja i ulaganja

Ulaganje u Fond prepostavlja i preuzimanje određenih rizika.

Rizik ulaganja na tržištu kapitala je vjerovatnoća ili mogućnost da prinos od ulaganja bude nezadovoljavajući ili negativan.

Nezadovoljavajući ili negativan prinos može nastati kao posljedica sljedećih rizika:

1. rizik promjene cijena finansijskih instrumenata (tržišni rizik).

Imovina Fonda će biti uložena u finansijske instrumente čija je cijena podložna dnevnim promjenama, a u skladu sa strategijom i ograničenjima navedenim u Statutu i ovom Prospektu Fonda. Pad cijene pojedinog instrumenta u koji je uložena imovina Fonda može dovesti do smanjenja prinosa na ulaganje.

2. rizik promjene kursa (valutni rizik),

Imovina Fonda može biti uložena u finansijske instrumente denominirane u različitim valutama čime se taj dio imovine izlaže riziku promjene kursa pojedine valute u odnosu na konvertibilnu marku – obračunsku valutu u kojoj se mjeri prinos na ulaganje imovine Fonda.

3. kreditni rizik,

Predstavlja vjerovatnost da emitenti finansijskog instrumenta koji je uključen u imovinu Fonda neće u cijelini ili djelomično podmiriti svoje obaveze, što bi negativno uticalo na likvidnost i vrijednost imovine Fonda.

4. rizik likvidnosti,

Predstavlja vjerovatnoću nemogućnosti brze prodaje finansijske imovine Fonda po cijeni koja je približno jednaka fer vrijednosti imovine.

5. rizik promjene poreskih propisa,

Predstavlja vjerovatnoću da se poreski propisi u Republici Srpskoj i Bosni i Hercegovini ili inostranstvu promijene na način koji bi negativno uticao na prinos Fonda. Pomenuti rizik je u popunosti izvan uticaja Društva.

6. promjena neto vrijednosti imovine Fonda,

S obzirom na vrste imovine u koje Fond ulaze, te s obzirom na sastav portfelja Fonda, odnosno ne tehnikе upravljanja imovinom Fonda, vrijednost imovine podložna je promjenama.

12. Upis dionica

U slučaju povećanja osnovnog kapitala Fonda, biće objavljen novi prospekt u kome će se definisati uslovi i način upisa dionica Fonda.

13. Način i vrijeme obračuna vrijednosti imovine Fonda

Neto vrijednost imovne Fonda je vrijednost imovine Fonda (ulaganja uvećana za kratkoročnu imovinu) umanjena za obaveze Fonda.

Vrijednosti imovine Fonda izračunava Društvo za upravljanje i to jednom mjesечно u skladu sa odredbama Zakona o investicionih fondovim a na osnovu metodologije o izračunavanju neto vrijednosti imovine fonda koju donosi Komisija za vrijednosne papire.

Neto vrijednost imovine po dionici Fonda je neto vrijednost imovine Fonda srazmjerno raspoređena na svaku izdanu dionicu Fonda u trenutku izračuna neto vrijednosti imovine Fonda. Banka depozitar vodi računa da je izračun neto vrijednosti pojedine dionice u Fondu obavljen u skladu sa Zakonom, mjerodavnim propisima te prospektom i Statutom Fonda.

14. Volatilnost imovine Fonda

Kako imovinu Fonda čine ulozi u dionice koje su same po sebi rizični finansijski instrumenti sa cijenom podložnom fluktuacijama, neto vrijednost imovine Fonda može u nekim periodima imati povećanu volatilnost. Društvo za upravljanje će imovinu Fonda ulagati potražujući odredbe Zakona o investicionim fondovima, te načela sigurnosti, disperzije rizika, profitabilnosti i likvidnosti s ciljem minimiziranja fluktuacije neto vrijednosti imovine Fonda.

15. Godišnje naknade i troškovi upravljanja i poslovanja koji mogu teretiti Fond

Iz imovine Fonda će se obračunavati i izravno plaćati slijedeći troškovi:

1. naknada Društvu za upravljanje Fondom u iznosu 2,80 % prosječne godišnje neto vrijednosti imovine fonda, za jednu poslovnu godinu,
2. naknada banci depozitari,
3. naknada i troškovi članova nadzornog odbora i direktoru fonda,
4. troškovi, provizije ili takse neposredno povezane sa stjecanjem ili prodajom imovine fonda,
5. naknada i troškove Registra vrijednosnih papira u Federaciji BiH,
6. računovodstveni, revizorski i advokatski troškovi nastali u poslovanju zatvorenoga investicionog fonda, troškovi izrade, štampanja i poštarine vezani uz objavu i dostavu izvještaja koji se prema ovome Zakonu podnose dioničarima,
7. troškovi održavanja redovite skupštine, osim u slučaju vanredne skupštine koju sazove društvo za upravljanje, u kom slučaju te troškove snosi društvo za upravljanje,
8. sve propisane naknade koje se plaćaju Komisiji,
9. troškovi uvrštenja na berzu ili drugo uredeno javno tržište,
10. porezi koje je Fond dužan platiti po osnovi zakona koji reguliraju materiju oporezivanja,
11. troškovi oglašavanja, ali samo kada je ono obvezno za zatvorene investicijske fondove u skladu s Zakonom o investicionim fondovima i ostale naknade određene posebnim zakonima.

Ukupan iznos svih troškova koji se knjiže na teret fonda, utvrđuje se u skladu sa odredbama Zakona o investicionim fondovima s tim da pokazatelj ukupnih troškova fonda ne može biti veći od 3,5% prosječne godišnje neto vrijednosti imovine fonda.

Sve nastale troškove Fonda koji u određenoj godini prijeđu najviši dopušteni pokazatelj ukupnih troškova u visini od 3,5%, snosi Društvo.

Naknada društvu za upravljanje iznosi 2,80 % prosječne godišnje neto vrijednosti imovine Fonda. Naknada će se obračunavati prilikom svakog izračuna neto vrijednosti imovine Fonda, i naplaćivati mjesечно, a kao godišnji trošak može se odbiti od imovine Fonda.

Na teret imovine Fonda mogu se isplaćivati i troškovi za koje se dobije odobrenje Komisije za vrijednosne papire.

16. Način obračuna i način učestalosti isplate dividende dioničara Fonda

Društvo priprema prijedlog raspodjele i izvršava odluku Skupštine Fonda o raspodjeli dobiti. Dioničar koji je bio na listi dioničara na dan donošenja odluke o usvajaju godišnjeg obračuna, ima pravo na učešće u dobiti Fonda, naplatom dividende ili sticanjem novih dionica, сразmerno nominalnoj vrijednosti dionica u njegovom vlasništvu.

- Odluka o isplati dividende sadrži: iznos dividende, datum na koji se sačinjava lista dioničara za isplatu dividende, datum isplate i određbu o načinu i toku objavljuvarja obavijesti o isplati dividende.
Skupština Fonda može donijeti odluku da se dividenda ne isplaćuje, kojom istovremeno određuje svrhu upotrebe dobiti koja pripada dioničarima.

17. Poreski propisi koji se primjenjuju na Fond

Visina i način oporezivanja, odnosno visina poreske stope, kao i način utvrđivanja poreske osnovice koncipiraće se u skladu sa zakonima Bosne i Hercegovine i Federacije BiH.

18. Trajanje poslovne godine

Poslovna godina se izjednačava sa trajanjem kalendarske godine.

20. Datum izdavanja prospekta

Ovaj prospekt se izdaje danom usvajanja od strane Skupštine dioničara Fonda.

III PODACI O DRUŠTVU ZA UPRAVLJANJE

Fondom upravlja Društvo za upravljanje investicionim fondovima "BOSINVEST" d.o.o. Sarajevo, ulica Vilsonovo šetalište broj 10, telefon i fax 033/ 653-225 i 787, e-mail info@bosfin.ba, web strana www.bosfin.ba

Skraćeni naziv Društva je: «BOSINVEST» d.o.o. Sarajevo, (u daljem tekstu: Društvo).

Broj rješenja Komisije za vrijednosne papire u FBiH: 03-19-38/00, od 05.05.2000.g.

Datum osnivanja i upisa u sudski registar: Rješenje broj UF/I-4085/2000 od 24.05.2000.g.

Osnovni kapital Društva iznosi: 1.000.000,00 (jedan milion konvertibilnih maraka)

Dioničari Društva

ZVON ENA HOLDING, finansijsko društvo sa sjedištem u R. Sloveniji 2000 Maribor, Slovenska ulica br 17, novac u iznosu 550.000,00 KM ili 55,00 %,

IVANJKO LEO sa sjedištem u R. Sloveniji, ulica Prešernova broj 34 novac u iznosu od 450.000,00 KM ili 45,00 %.

Uprava i Nadzorni odbor Društva

Uprava Društva: Adnan Išerić, rođen 04.01.1964.g., diplomirao na Ekonomskom fakultetu, stekao zvanje ovlaštenog revizora, od 01.11.2000. g. direktor DUF „BOSINVEST“ d.o.o. Sarajevo.

Nadzorni odbor:

Ihanec Klementina , univ. dipl.prav. rođena 28.01.1972 u Celju , Univerziteta u Mariboru,Zaposlenje:Direktor Zavarovalno -Poslovni Inštitut d.o.o std,Trg svobode 3 Maribor ,

Ivanjko Leo,univ.dipl.prav, rođen, 05.05.1970 u Mariboru, Univerzitet u Mariboru , Zaposlenje: Predsjednik uprave Julios Fond dd, Trg svobode 3 Maribor,

Zupčević Šefik,dipl.ecc,rođen 28.11.1950 godine u Nikšiću R.Crna Gora,Ekonomski fakultet u Sarajevu , Zaposlenje: Direktor u IP Svetlost dd Sarajevo ul Muhameda Kantardžića br 3 Sarajevo.

Ograničenja i odgovornost Društva za upravljanje

Društvo za upravljanje investicionim fondovima s javnom ponudom ne može:

1. da obavlja djelatnost posredovanja u kupnji i prodaji vrijednosnih papira,
2. da otuđuje vrijednosne papire ni bilo kakvu drugu imovinu fonda, kao nići da je od njega stječe, bilo za svoj račun ili za račun povezanih osoba,
1. da kupuje sredstvima fonda imovinu koja nije predviđena njegovim statutom i prospektom,
2. da obavlja transakcije kojima krši odredbe ovoga Zakona i propise Komisije, uključujući odredbe o ograničenjima ulaganja u fondove kojima upravlja,
3. da otuđuje imovinu zatvorenoga investicionog fonda bez primanja odgovarajuće naknade,
4. da stječe ili otuđuje imovinu u ime fondova kojima upravlja po cijeni nepovoljnijoj od tržišne cijene ili procijenjene vrijednosti predmetne imovine,
5. da odobrava zajmove iz imovine Fonda,
6. da koristiti imovinu fonda kao garanciju izvršenja obveza društva za upravljanje ili obveza trećih osoba ili kako bi društvu za upravljanje, njegovim uposlenicima ili povezanim osobama omogućio sklapanje poslova pod povlaštenim uvjetima,
7. da preuzima obveze u vezi s imovinom koja u trenutku preuzimanja tih obveza nije vlasništvo investicionog fonda s javnom ponudom, uz izuzetak transakcija s vrijednosnim papirima obavljenih na berzi ili drugom uređenom tržištu čija pravila omogućavaju isporuku vrijednosnih papira uz istodobno plaćanje,
8. da ulaže imovinu fonda u vrijednosne papire ili druge financijske instrumente koje ono izdaje,
9. da fondovi s javnom ponudom kojima upravlja jedno društvo za upravljanje ne smiju biti vlasnici ukupno:
 - 1) više od 25% dionica s pravom glasa jednog izdavatelja,
 - 2) više od 10% dionica bez prava glasa jednog izdavatelja,
 - 3) 10% dužničkih vrijednosnih papira izdanih od strane jednog izdavatelja,
 - 4) 25% udjela pojedinoga investicionog fonda,
 - 5) 10% instrumenata tržišta novca jednog izdavatelja uz izuzetak da se ograničenja iz ove alineje ne primjenjuje na dužničke vrijednosne papire i instrumente tržišta novca čiji su izdavatelj Bosna i Hercegovina, Federacija, Republika Srpska, kanton, općina, grad, država

članica, jedinica lokalne uprave države članice, država koja nije članice Europejske unije ili međunarodna javna organizacija koja je članica jedne ili više država članica.

IV BANKA DEPOZITAR FONDA

Raiffeisen BANK dd Bosna i Hercegovina , ulica Danijela Ozme 3 , Sarajevo, Rješenje Komisije za vrijednosne papiere F BiH za obavljanje poslova banke depozitara broj: 05/2-497/05 od 24.08.2005.g. i saglasnost za održavanje dozvole broj : 05/1-49-3796/08 od 09.10.2008. godine.

V POTPISI ODGOVORNIH LICA

Potpisom ovo Prospelta članovi Nadzornog odbora Društva, direktor Društva, članovi Nadzornog odbora Fonda i direktor Fonda daju sljedeću izjavu:
»Prema našem uvjerenju i u skladu sa svim našim saznanjima i podacima kojima raspolažemo izjavljujemo da svi podaci iz ovog Prospelta čine cijelovit i istinit prikaz imovine i obaveza , gubitaka dobitaka, finansijskog položaja i poslovanja Zatvorenog investicionog fonda »Bosfin« dd Sarajevo, prava sadržanih u vrijednosnim papirima na koje se odnosi, te da čijenice koje bi mogle uticati na potpunost i istinitost ovog Prospelta nisu izostavljene. Prospekt ne sadrži informacije koje bi mogle dovesti u zabludu potencijalne investitore.«

Nadzorni odbor Društva
»Bosinvest«doo Sarajevo

Predsjednik Nadzornog odbora
Ivanec Klementina, univ. dipl. praw
Ivanec Klementina , univ. dipl. praw

Član Nadzornog odbora
Leo Ivanjko, univ. dipl. praw
Leo Ivanjko , univ. dipl. praw
Član Nadzornog odbora
Zupčević Šefik dipl. ecc
Zupčević Šefik dipl. ecc

Direktor Društva
Išerić Adnan dipl. ecc
Išerić Adnan dipl. ecc

Broj: 242/09

Datum, 27.09.2009 godine.

Nadzorni odbor ZIF «Bosfine» dd Sarajevo

Predsjednik Nadzornog odbora

Prof dr Šime Ivanjko

Član Nadzornog odbora

Prof dr Šunje Aziz

Član Nadzornog odbora

Simon Ždolšek dipl. eng

Direktor Fonda

Čagaj Ekrem dipl. ecc